

Bōk Melele ko Rejimwe kin Nañinmijin Tuberculosis (TB)

Am melele kin TB emaron jibañ kejbarok kwe make, ro nukkum, im armij ro ilo jukjukinbed eo am

Nañinmijin Tuberculosis (TB) ej juon abnōnō in ejmour eo ekapokpok im ekkā ad jab melele kake. TB emaron mour iloan enbwinnim iomwin yiō ilo an ejellok kakōlkōl. Mennin jej nae etan nañinmij in TB eo ejab kabobo. TB eo ejab kabobo emaron erom TB eo ekabobo ilo jabdewōt ien im kōmman am nañinmij. Emōj bwinne ke emaron wōr lok ñan **13 milien armij ro ilo Amedka ewōr nañinmijin TB eo ejab kabobo ibbeir**, im ñe rejab bōk wūno in kōmadmōd emaron erom nañinmijin TB eo ekabobo. Bōk melele ko rejimwe im kajitōk ibben taktō eo am kin am teej ñan nañinmijin TB.


MELELE EO EJIMWE:
Kij in TB ko remaron bed wōt ilo aer jab kabobo iloan enbwinnim armij iomwin yiō ilo an ejellok kakōlkōl im remaron erom ñan aer kabobo ilo jabdewōt ien.



Eloñ armij rej lomnak kin TB, rej lomnak kin kakōlkōl ko einwōt pokpok im abañ emenono. Mennin emaron mool kin nañinmijin TB eo ekabobo, armij ro ewōr TB eo ejab kabobo ibbeir ejellok aer kakōlkōl im rejab “enjaake” aer nañinmij. Wāween eo de eo ñan jelā ñe ewōr TB eo ejab kabobo ibbam ej ñan am teej.

Ñe kwōjab bōk wūno in kōmadmōd, 1 jen 10 armij ro ewōr aer nañinmijin TB eo ejab kabobo renaj nañinmij kin TB eo ekabobo, im emaron ajeeded ñan ro jet im kōmman mij. Uwōta in an armij bōk nañinmijin TB eo ekabobo elablok ibben armij ro emojno an enbwinnier maron bōbrae jen nañinmij ak ro ewōr aer nañinmijin tōñal, cancer, im HIV.

MELELE EO EJIMWE:
Kij ko an TB rej ajeeded ilo mejatoto jen juon armij ñan bar juon.



Kij in TB ko rej ajeeded ilo mejatoto ilo ien an juon armij eo ewōr TB eo ekabobo ibben enaj pokpok, kenono, ak al. Armij ro iturin remaron emenonoiki kij in TB ko innem bōk nañinmij eo.

TB **EJAB** ajeeded jen:

- kōjerbal būraj in ñi ko ibben doon
- jibwe kilin kiki ko aer ak jikin kapojak ko
- kapilo jen aer uma
- mōñā, idaak, ak kōjerbal kano ibben doon
- jibwe bein juon armij

Elablok an TB maron ajeeded jen ro elab ien aer kar bed iturin juon armij eo ewōr an nañinmijin TB kabobo einwōt juon uwaan baamle eo, juon mōttam, ak juon armij eo kwōj jербal ibben.

MELELE EO EJIMWE:
Kwōmaron bōk TB
jekdoñ ñe emōj am
wā.



Juon melele ko ejab mool im ekkā ej ke ewōr am kein bōbrae jen TB ñe emōj am bōke wā in TB eo (einwōt ad bar jelā ej wā eo etannin bacille Calmette-Guérin ak BCG). Bōtab melele eo ejimwe ej, kein bōbrae eo jen wā eo an TB ej mojnolok iomwin ien.

Ñe emōj am kar bōk wā in TB eo, ba ñan taktō eo am, elabtata ñe kwōj bōk teej eo ñan nañinmijin TB.

MELELE EO EJIMWE:
Jekdoñ emōj kakōlkōle eok
ñan TB ilo ien madmōdin
immigration eo am,
emaron wōr am nañinmijin
TB eo ekabobo ak kwōjab
jelā.



Ekkā TB ibelakin lal in, bōtab ñe kwar lotak ilo aelon ko an Asia, Africa, ak Latin America, elablok am maron bōk nañinmijin TB kinke elablok an ekkā ilo aelon kein. Jet armij rej lomnak kinke emōj aer kakōlkōl ilo ien madmōdin immigration eo aer ñan Amedka, ejellok aer TB. Bōtab, jen 2019, etale ko an immigration rar teej wōt ñan nañinmijin TB eo ekabobo. Emaron wōr TB eo ejab kabobo ibbam ak kwōjab jelā.

Elablok jen 80% in armij ro rej nañinmij kin TB eo ekabobo ilo Amedka kajojo yiō rej nañinmij jen TB kabobo eo rar jab bōk wūno in kōmadmōde, im emaron erom nañinmijin TB eo ekabobo iomwin eloñ yiō ko tokelik. Wūnin an aurok am kenono ibben taktō eo am kin am bōk teej eo.

MELELE EO EJIMWE:
Jemaron bōk wūno in
kōmadmōd TB eo ejab
kabobo ñan bōbrae jen
nañinmijin TB eo
ekabobo.



Jekdoñ ejellok am kakōlkōlin TB eo ejab kabobo, kwōmaron bōk nañinmijin TB eo ekabobo, im ej ajeeded jen armij ñan armij, emaron kōmman am nañinmij, im emaron bar kamij eok ñe kwōjab bōk wūno in kōmadmōde. Ewōr wūno in kōmadmōd ko ñan bōbrae jen am im armij ro raurok ibbam bōke nañinmijin TB eo ekabobo im nañinmij.

Ñe ewōr am nañinmijin TB eo ejab kabobo, aurok am kadedelok wūno in kōmadmōd eo am ñan bōbrae am jab bōk nañinmijin TB eo ekabobo. Kenono ibben taktō eo am kin wūno ko kwōj bōki, im kajitōk kin mennin jibañ ko ilo jukjukinbed eo am im remaron jibañ kwe kin bebe in wūno in kōmadmōd eo am.

CDC ej rōjañ an armij ro rebed ilo uwōta in bōk TB bwe ren teej.
Ñe ewōr am TB eo ejab kabobo, ewōr wūno in kōmadmōd ko remaron jibañ
kejbarok kwe im armij ro raurok ibbam jen aer nañinmij kin nañinmijin TB eo
ekabobo.

Kenono ibben taktō eo am kin am bōk teej eo.



Nan am bōk melele ko relablok kin TB im wāween am
maron kejbarok kwe make im ro jet, lale
www.cdc.gov/thinktesttreattb